

БҮРЯАД АРАДАЙ ХУРАЛ

1998

ИЮНИН

2

Зунай эхин
улаагшан могой
харын
8
гарагай 3
ВТОРНИК
№ 95 (19936)
Газетын сэн хэлсээтэ

1921 оной
декабриин
21-нээ гараа

Бүгэдэ арадай сонин



ЕРЫТ НААШАА ЁОХОРТО!

С.БАЛДУЕВАЙ фото.

ПРАВИТЕЛЬСТВЫН ХҮДЭЛМЭРИИН ДОЛООН ХОНОГ

Нинтэ республиканска хэмжээ ябуулганууд
Июниин 1. Ухибүүдые хамгаалгын үдэртэ зориулагдаһан хэмжээ ябуулганууд

Июниин 6-7. Соёлой болон искусствын хүдэлмэрилгшэдэй үдэртэ зориулагдаһан хэмжээ ябуулганууд.

Буряад Республикын Правительствын Түрүүлэгшын уялга дүүргэгшэ
В.К.АГАЛОВ

Прибайкалийн районий Турунтаево нууринда хинан шалгалтын эмхи зургаануудай семинарска хэсхэлүүдые үнгэргэлэ.

Байгал нуурай уһанай нөөсөнүүдые хэрэглэхэ талаар «Байкалрыбвод» «Байкалкомвод» хоёрой хоорондохи ажал ябуулгын харилсаануудые тогтоохо хэлсээнүүдые зохёолго.

«Реклама тухай» хуулиие хазагайруулан эбдэгшэдэй хэргүүдые хаража үзэхэ комиссийн зүблөөн.

Антимопольно управленидэ болзор соогоо мэдээнүүдые үгэхэгүй ябадалые хаража үзэхэ комиссийн зүблөөн.

Буряад Республикын Правительствын Түрүүлэгшын орлогшоноор:
А.Н.ЖИЛЬЦОВ

«Буряад Республикада налогуудые суглуулга тухай» гэхэн Буряад Республикын Хуулийн проектые зохёолго.

Буряад Республикада зайн гал гамнаха финансова механизмуудые зохёолго.

«Жарчиха» гэжэ нэрэтэй ГП-гэй финансын болон ажахын ажаябуулгануудые шалгалта.
Б.Ц.СЕМЁНОВ

2001 он болотор эдэз хоолой болон буйлуулан ашагалгын үйлэбэрийн предприятинуудай социально-экономическа дүнгүүд тухай уридыалан багсаалга.

Июниин 4. Республикын Госсанэпиднадзорой түб болон БГСХА хоёрой хабаадалгатайгаар эрдэмэй-практическа конференци үнгэргэлэ.

Июниин 5. Аймагуудай ахмад ветврачнуудтай болон ветеринарна лабораторинуудай директорнуудтэй үйлэбэрийн суглаа үнгэргэлэ.

Хонин ажалда хабаатай конференцидэ бэлдэхэ. Россин ой модоной департаментын байгуулагдаһаар 200 жэлэй ойн баярта зориулагдаһан хайндэрэй зүблөө үнгэргэлэ.

А.Ч.НИМАЕВА

«Дунда зэргын зиндаагай мэргэжэлтэдые бэлдэхэ асуудалнууд тухай» гэхэн республикын эрдэмэй-практическа конференци.

Июниин 3-һаа. «Соёлой үдэрнүүд - түүхэ болон мүнөө үе» гэхэн эрдэмэй-практическа конференцидэ бэлдэхэлэй талаар хүдэлмэрийн зүблөөн.

Июниин 5-һаа. Ивалга нууринда социально-хуралсалай комплекс нээлэ.

Июниин 5-7. «Амар мэндэ, зун-98» гэхэн аяншалгын заншалта слёт.

Июниин 6-7. 1985-1987 онуудта түрэнэн хүбүүд, басагадай дунда столой теннисээр Россин түрүү нуури эзэлэлэ (Нижний Новгород).

Июниин 5-8. Эршүүлэй дунда каратэгээр мурьсөөндэ Эрхүү хотодо хабаадахын тула «Романовай хургуули» гэхэн залуушуулай спортын нэгдэлэй гшүүдые эльгээлэ.

А.П.ТАБАЛАЕВ.

Саха (Яхад) Республикын хүн зондо туһаламжа үзүүлхын тула предприятинуудтай хүдэлмэри үнгэргэлэ.

Июниин 1-2. Россин Федерацийн Байгаали хамгаалгын министрствын болон ашагта малтамалуудай нөөсөнүүдэй талаар гүрэнэй комиссийн түлөөлэгшэдтэй хүдэлмэрийн зүблөө үнгэргэлэ.

Июниин 6. Барилгада шэнэ сэнгүүдтэ оролгын талаар барилгын болон подрядна эмхи зургаануудай ударидагшадтай зүблөөн.

Буряад Республикын Президентын болон Правительствын мэдээсэлэй албан.

ТҮРЭЛХИДЭЙ АНХАРАЛДА!

Республикын үндэрэн буряад 1-дэхи лицей-интернат 1-дэхи, 8-дахи классуудта нураха нурагшадые тусхай шалгалтын ёһоор абахань.

Физико-математическа класста орохо шалгалтанууд: математика, ород, буряад хэлэнүүд, англи хэлэн, тестировани.

Гуманитарна класста орохо шалгалтанууд: буряад хэлэн, буряад литература, ород хэлэн, англи хэлэн, түүхэ, тестировани.

Эдэ бүхы шалгалтанууд байгша оной июниин 10-да үглөөнэй 9 сагта эхилэхэ.

1-дэхи класста буряад хэлэ мэдэдэг 6 наһатай үхибүүд байгша оной июниин 5-да тестированиин ёһоор абтаха.

1-дэхи лицей-интернадай хаяг: Улаан-Үдэ хото, Чертенковой үйлсын 30-дахи байшан. Тел: 34-62-03.

ШАЛГАЛТЫН КОМИССИ.

ПРЕЗИДЕНТЫН, АРАДАЙ ХУРАЛАЙ БОЛОН ПРАВИТЕЛЬСТВЫН БУРЯАД РЕСПУБЛИКЫН АЖАҢУУГШАДТА ХАНДАЛГА

Хүндэтэ нютагаархид!

Хабарай найрамай уһан Саха (Яхад) Республикада үерлэжэ эндэ айхабтар хүшэр байдал тохёолдоодой. Ленск болон хүдөөгэй томо нуурин тосхонууд үертэ абтаа. Арадай ажахын амин шухала объектүүд хандаралда ороо, эндэхи социальна байдалда тон ехэ хохидол ушаруулагдаа. Хэдэн мянгаад гектар хахалхан газар уһанда абтаа. Хүнүүдэй усалда орожо хосорһон ушар бии, хэдэн арбаад зон нураггүй үгы болоо. Хэдэн зуугаад гэрнүүд хандаргагдаа, олон бүлэнүүд байрагүй үлөө. 50 мянга гаран зоние аюулай тохёолдоһон газарһаа зөөлгэхэ баатай болодог. Тон хэрэгтэй эдэз хоолой зүйлнүүд, эм дом, гэр байра, хубсаһа хунар тэдэндэ дуталдана. Үер үргэлжэлжэ, эндэхи байдал бүри ороо хүндэ болгоно.

Россин Федерацийн Президент болон Правительство энэ үерэй хойшологнуудые түргэн усдахын тула бүхы арга боломжо хэрэглэнэ.

Иймэ хүшэр сагай тохёолдоод байхада, хари хүнэй бэрхэшээл

гашуудалые сэдхэлдээ дүтэ абадаг хүнүүд заабол туһалдаг ха юм даа. Бидэ, буряад арад зон, Яхадай ажаһуугшадта тохёолдоод байһан бэрхэтэй үедэнь туһалангүй байха аргагүйбди.

Бидэ булта хүшэр сагта ажаһуунабди, гэбэшье хэн нэгэнэйнгээ бэрхэшээлүүдтэ ханаагаа зобожо, шадалаараа туһалдаг байһаараа Росси гүрэмнай хүсэтэй ха юм даа.

Буряад Республикын Президент, Арадай Хурал, Правительство бүхы ажаһуугшадта хандажа, Саха (Яхад) Республикын хохидолдо ороһон ажаһуугшадта шадал зэргээрээ туһалхыетнай гуйна. Гэдэнэй энэ бэрхэшээлые өөрынгөө бэрхэшээлдэ тооложо, сэдхэлдээ дүтэ абажа, туһа хайраараа орхихогүйт гэжэ булта бата этигэнэбди.

Һаяын сагта энэ хэрэгтэ туһа хүргэжэ, мүнгэ зөөри оруулхые хүсэгшэдтэ Буряад Республикын Национальна банкда «Үерһөө хохидоһон Саха (Яхад) Республикын ажаһуугшадта туһаламжын жашын» тусхай счэт нээгдэхэ юм.

БУРЯАД РЕСПУБЛИКЫН АРАДАЙ ХУРАЛДА

ТУҢАЛХА ҮҮРГЭТЭЙ ЭМХИ

Россиде, тэрэ тоодо Буряад орондо түбхинэнэн уласхоорондын эмхинүүд жэлһээ жэлдэ олошорно. Аляскада хүтэлбэрилхы түбьен түбхинэнэн «Ротори-Интернейшна» гэхэн тэдхэмжэ туһаламжа үзүүлдэг клуб тэдэнэй нэгэниинь юм. Зондо туһалха, гол түлэб медицинскэ туһаламжа үзүүлэхэ зорилготой энэ клуб хүн зоной дунда хүндэтэй болонхой. Буряадташье энэ эмхийн ажал ябуулга хайхашаан дэмжэгшэд өөрынгөө клуб байгуулжа, хүдэлмэрийн дүй дүршэлөөр хубаалдаха, холбоо барисагаа бэхжүүлэхэ зорилготойгоор США-һаа сүт хүдэлэхэ нүхэдөө уриһан байна.

«Ротори» клубай бүлэг хүтэлбэрилэгшэд эдэ үдэрнүүдтэ Улаан-Үдэ хото ерэнхэй. Республикын Арадай Хуралай Түрүүлэгшэ Михаил Семёнов тэдэнтэй уулзалга үнгэргөө. Энэ уулзалгада хабаадагшад напамжануудаараа хубаалдаа, туһаламжын хэрэг ябуулга тухай хөөрөлдөөн болоо. Обществодо тон шухала энэ хэрэгые үргэн дэлсэтэйгээр ябуулгада наад хэдэг ушарнууд зүбшэгдөө.

Республикын ниислэл хотын хэдэн больницануудаар ябаһан, түрэлгын байшан хүрэнэн тухайг илгэд мэдээсэбэ. Эмнэлгын эдэ эмхи зургаануудай медицинскэ клубуудай мэргэжэлэй талаар хайн бэлдэхэл тэдэниие баясуулаа. Марин мүнөөнэй медицинскэ түхээрэлгэнүүдээр хангалгын түлөөр байдал айлашадай анхаралһаа алдагдаагүй.

Арадай Хуралай Түрүүлэгшэ республикын парламентын ажал ябуулга тухай тодорхойгоор хөөрэжэ үгэхэдөө, социальна политикын талаар Арадай Хуралай комитедэй харгалзалга доро байда медицинын шийдхэгдээгүй асуудалнуудта анхаралаа хандуулаа.

Энэрхы сэдхэлтэйгээр туһа хүргэлгын ажал ябуулга болон бүхыдөө туһаламжа тухай хэлэхэдээ, Буряадта ажаһуудаг ардууд туһа хайраараа бусадые орхидоггүй гэжэ М.Семёнов тэмдэглээ. Үер боложо, ехэ гэнэ усалда ороһон хүршэ Яхад Республикада мүнгэ зөөринин талаар баһа хүндэ байдалтай байбашье, буряад зон хэзээдэшье туһалха гэжэ тэрэ хэлээ.

Уулзалгын түгэсхэлдэ түргэн туһаламжын больницада тэдэнэй клуб шадалаараа туһалха гэжэ «Ротори» делегацийн хүтэлбэрилэгшэ Пэнс мэдүүлээ. Мүн тэрэшэлэн Буряадта байгуулагдаһан «Ротори» клубта гүрэнэй засагай зургаануудай зүгһөө дэмжэлэ, заримдаа туһаламжа үзүүлхыень тэрэ хүсэһэн байна.

В. БАДМАЕВ.

БУРЯАД РЕСПУБЛИКЫН ПРЕЗИДЕНТ, ҮНДЭР ТҮРЭЛТЭ, ГОСПОДИН ЛЕОНИД ВАСИЛЬЕВИЧ ПОТАПОВТА

Хүндэтэ господин Президент!

Буряад Республикын байгуулагдаһаар 75 жэлэй ойн хайндэрөөр дашарамдуулан, Буряад Республикын ерээдүйдэ үндэр амжалта хүсэһэнөө Танда мэдүүлнэм. Мүн Танда болон Танай бүлэдэ хубийн жаргал хүсэһэб.

Москва удаадахи ерэлгэндэтнай уулзаха байхабди гэжэ найданаб.

Саашадаа хүлээн абахыетнай гуйн, господин Президент, Таниие хүндэлһэнөө мэдүүлнэб.

Юбер КОЛЕН дэ Вердьер,

Россидахи Франциин элшэн сайд.

Москва, 1998 оной майн 28.

БУРЯАД РЕСПУБЛИКЫН ПРЕЗИДЕНТДЭ КАНДИДАДУУДАЙ РЕЙТИНГНУУД

Буряад Республикын Президентдэ кандидатууд «сэхэ харгыдаа» гараба. Тэдэнэй тоо нэгэ бага үсөөн боложо, һүүлшын списогтэ 13 кандидат бэшэгдээ. Иигээд тэдээн сооһоо эгээн эрхимыень шэлэн хунгахамнай үлэбэ гээшэ. Олоной этигэл найдабарида хүртэһэниинь лэ илажа гарахал даа. Буряад Республикын Президентын тушаалда дэбжүүлэгдэһэн кандидат ямар байха ёһотойб? Тус асуудалда үгтэһэн харюунуудые хараад үзэхэдэ, хунгагшад шухала 17 шэнжэ сооһоо үнэн сэхэ байлгые эгээн түрүүн нэрлэнэ.

Удаадахи гол шэнжэ хадаа экономика эрдэм мэдэсэ гээд нэрлэе. Иигэжэ хунгагшад олон тоото кандидатууд сооһоо үнэн сэхэ, экономика эрдэм мэдэсэтэй, хүтэлбэри ударидалгын, эмхидхэлгын дүй дүршэлтэй, арад зондоо дүтэ, тэдээн тухай ходо ханаагаа зободог, одоол этигэл найдабарида хүрэмөөр хүниие шэлэжэ, Буряад оронойнгоо Президент болгохо уялгатай.

Буряад Республикын Президент ямар байха ёһогүйб? Иимэ асуудал президентын тушаалда дэбжүүлэгдэһэн кандидатуудай шанар шэнжэнүүдые сэгнэн нэрлэһэн анкетэ соо мүн лэ табигдаһан байна.

хунгагшад ханамжаар, Буряад Республикын Президент ямар байха ёһогүйб: 1) мэхэлхэ, таамаг, худал үгэнүүдые хэлэхэ (олонхинийн энэ шэнжые эгээн түрүүн нэрлээ); 2) юрын хүнүүд тухай ханаагаа зободоггүй (хоёрдох шэнжэ); 3) харюусалгагүй; 4) хүтэлбэри ударидалгын дүй дүршэлгүй; 5) арад зонһоо холодонги гээд саашадань олон шэнжэнүүд нэрлэгдэнэ.

Эдэ бүгэдэнһөө тобшолол хэхэдэ, хунгагшад түбхын түрүүндэ үнэн сэхэ, зондо дүтэ, тэдээндэ ханаагаа зободог, туһалдаг, экономика асуудалнуудые шийдхэжэ шададаг, хүтэлбэрин дүршэлтэй кандидатые Буряад Республикын Президентээр хунгаа байна.

Харин худал хуурмаг аяг аашануудые гаргаад лэ, «би» гээшэб гэжэ үбсүүгээ шаагаад лэ ябадаг заримашуулай президент болохоб гэжэ найдаһанай үлүү. Иимэрхүү кандидатууд өөһэдыгөө тухайлан танибал, хоһон оролдолго хүсэл гаргажа зобонгүй, эртээнһээ кандидатурануудаа болуулаа хаань, дээрэл хаш гэжэ зүбшэл үгэмөөр.

Президентын тушаалда дэбжүүлэгдэһэн кандидатуудай рейтинг хараад үзэхэдэ, Л.В.Потаповай рейтинг бултаниие ахихаһаа гадна, сэг ошохо тума улам дээшлэнэ гэжэ онсолмоор. Хараад үзэе. 1997 оной нэгэдэхэ кварталда үнгэргэгдэһэн асуултын дүнгүүдээр манай хандаһан хүнүүдэй 12,6 процентнь Л.В.Потаповай түлөө дуугаа үгэхэбди гэжэ харюусаа хэн. Жэл үнгэрһэн хойно тэрэнэй рейтинг аяар 3 дахин дээшлэнэ байна. Харин 1998 оной апрелин эсэс болон майн эхин багта Буряад орондо ажаһуугшад дунда үнгэргэгдэһэн асуултын дүнгүүдые хараад үзэхэдэ, Л.Потаповай түлөө 36,8 процент хунгагшад дуугаа үгэхөөр бэлэн. Бусад кандидатуудтай сасуулаад үзэе. Манай хандаһан хүнүүдэй оройдоол 9,2 процентнь А.Кореневай түлөө, 8,6 процентнь В.Сагановай түлөө, 5,3 процентнь С.Прониной түлөө, 4,0 процентнь (тус тустань) С.Буджаповай болон В.Шаповаловай түлөө дуугаа үгэхэ байна.

Иигэжэ Л.Потапов бултаниие ахин гаража, бата найдамтайгаар түрүүлжэ ябана. Тэрэнэй ямар хадань хунгагшад дуугаа үгэхэ байна гэжэ хараад үзэе. Нэгэдэхээр, удаан саг соо засаг түрые толгойложо байһаншье наа, гансахан өөрыгөө тойруулан, хубийн хэрэг бэелүүлхэ, баяжаха гэжэ оролдоогүй, эдилгэ абажа үзөөгүй, хүнэй нүдэнһөө далда аяг аашануудые гаргагүй, ходал үнэн сэхэ, арад зондоо дүтэ ябаа. Хоёрдохөөр, республикые хүтэлбэрлэхэ талаар хэнһээшье үлүү ехэ дүршэлтэй болонхой, гансахан федеральна засагай зургаануудтай бэшэ, мүн хүршэ районудтай, холыншье, ойро дүтыншье харин орунуудтай үргэн ехэ харилсаа холбоо тогтожо шаданхай. Гурбадахяар, тэрэнэй хүсэл оролдолгоор, түбшэн даруу, болгоомжотой, сэсэн бодолтой шийдхэбэринүүдые абадаг байһанай ашаар республикыннай бүхы эрхэтэд, олон үндэһэ яһатад эбтэй зетэй, аалин намдуу ажаһууна. Дүрбэдэхээр, зурилдөөтэ хүсэнүүдэй элдэбээр ашаландаашые хаань, республика доторхи байдалые харааһаа алдангүй, хөрхоор хинажа, зүбөөр сэгнэжэ, алдуу эндүүнүүдые тэрэ дары хинажа шададаг.

Саашадань хэлэхэ болоо наа, Л.Потапов ямаршье зонтой хөөрэлдэжэ, үгээ ойлголсожо шадахаһаа гадна, алишье талада тааруу зохид шийдхэбэри абадаг байха юм. 1990-ээд онуудай үйлэ хэрэгүүдые нанан дурдаад үзэе. Тиэхэдэ Буряад Республикын демократическа олоонитэ Л.Потаповые Туркмениһээ бусааха талаар ехэ оролдолго гаргаа бэлэй. Республикын олонийтын эдэбхитэй дэмжэлгээр тэрэ олон хунгалтануудта, мүн Бурядай Верховно Сөвөдэй Түрүүлэгшын, Буряад Республикын түрүүшын Президентын хунгалтануудта бата найдамтайгаар илажа гараа. Зондй эдэбхи үүсхэл, зохёохы шадабари элирүүлэн элсүүлмэ арганууд болон урмашуулгануудай тала барижа, региональна экономикаы дэмжэхэ, үйлэдбэриие доошонь унагаангүй, шата шатаарнь тогтонихоруулха, сэсэн бодолтой, хүсэ ехэтэ экономика политика ябуулха, мүнөөнэй ороо хүшэр эрхэ байдалда нэгэ янзын, заншашаһан бэшэ, харин урид хараһан, ухамай, гүнзэгы бодолтой шийдхэбэринүүдые абаха - эдэл даа Л.Потаповай холын хараатай зорилгонууд.

Юундэ минии программа арадай гэжэ нэрлэгдээб? Арад зон ерээдүйгөө оолздоо тодорхойло ёһотой. Иимгэл тиимэһээ минии өөрынгоо командатай түсэблэһэн Бурядай хүгжэлтын проектүүд хүн зоной хүсэнүүдтэй, саашадаа хайшан гээд ажаһууахб гэһэн бодолгонуудтай зохидуулагдаха ёһотой.

Республикые хүгжөөхэ Арадай программада дурадхалнуудые оруулаһан аргагүй олон бэшэүүдые абахабди гэжэ бидэ ханаагүйбди. Бурядай бүхы районууднаа олон мянган хүнүүд арад зоной хабаадалгатайгаар ерээдүйн хараа түсэбүүдые табижа, республикые хүндэ байдалһаа хамтын хүсэл оролдолгоор гаргаха ханал бодолыемнай дэмжээ.

Олон заабари зүбшэлүүдэйн, хайн хүсэлнүүдэйн түлөө бултанда баярые хүргэнэб.

Ехэнхи ушарта пенси болон пособинуудые түлэхэ, промышленностьда хүдэлмэрин шэнэ хууринуудые байгуулаха, хүдөө ажахые нэггэхэ болон эрдэм хуралсалай, байгаа хамгаалгын, барилгын, харгы заһабарилгын асуудалнуудаар ханаата боложо байһанаа мэдүүлдэг.

Тэдэнэй зариманиинь хэдэн олон шийдхэбэринүүдые гансаа дурдахдаг. Ахын аймагай Орилик тосхонһоо Евгения Ринчиновна Ринчинова манда иигэжэ бэшлэһэн байна: «Танай программын бүхы пунктнуудые би зүбшөөнэб, Танай кандидатурые дэмжэхэ хүсэлтэйб, тиигээд иимэ захяа үгэхэ байнаб: 1. Ганса бэе эхэнэрнүүдтэ хара бүхэндэ пособинуудые түлэлгы хангаха. 2. Юрэнхы дунда ба дээдэ эрдэмэй хургуулинуудта түлооһэгүй хуралсал сахин үлоохэ. 3. Хүдэлмэрин шэнэ хургуулинуудые байгуулаха. 4. Социальна байдалые хайжаруулаха. Амжалта хүсэһэб!»

Пенсиүүдые, пособинуудые болон салин түлэлгые гуримшуулаха эрилтэ гурбадахы хунгагша бүхэн табина. Энэ ороо асуудал иигээд хэхые би дурдаханаб. Республикын, мүн районий хэмжээндэ мүнгэ зоори гаргашалгые шангаар хинаха хэрэгтэй.

Аймагуудай хүтэлбэрлэгшэд энэ хэрэгтэ республикын Президентын болон хүн зоной урда сүм хиналта доро байха ёһотой. Нүхэ бүглэхэ (нэгэнһээ абаха, нүгөөдэһэн үгэхэ) хэрэг ямаршье үрэ үгэхэгүй гэжэ тэмдэглэхэ байнаб. Москваһаа мүнгэ эрилгэ гэшые үргэлжэлүүлхэ гээшэ бээ доромжолон ябадал мүн. Тиимэһээ эрид шууд хэмжээнүүдые абаха хэрэгтэй. Экономикоо бодхооболнай, предпринятинууд хүдэлжэ эхилхэ, социальна бүхы түлбэринүүдые хангахабди.

Промышленностие хүгжөөхэ болон хүдэлмэрин шэнэ газарнуудые байгуулаха тухай Улаан-Үдэһоо Насагма Дамбаевна Гиталова бэшэнэ: «Бүхы заводуудай, фабрикануудай хүдэлхын, салин болон пенси саг соонь абахын, үхибүүдэй ерээдүйн тулаа Бурядай экономикаы тон яаралтайгаар нэггэхэ».

Манай экономикаы нэггэхын тула хүсэ шадалтай инвесторнуудые элсүүлжэ шадаха тодорхой проектүүд хэрэгтэй. Би ба минии команда иимэ проектүүдые зохёон табяабди. Нэгэдэхээр, минеральна нооснүүдые олзоборило ба тэдэниие болбосоруулга. Хоёрдохөөр, модо отолохо ба тариха газар тодорхойлолын асуудалнуудые гуримшуулгатайгаар модоной ажахые хүгжөөхэ. Гурбадахяар, Байгал нуурай уһые бүлэжэ амһарталха, Россин бусад регионуудта, харин ороноудта эльгээхэ. Дүрбэдэхээр, хоёр шэглэлээр уласхоорондын аяншалгые хүгжөөхэ: евро-сервис хангаха болон зэрлиг газарнуудта дуратайшуулай анхрал тадаг экологическа аяншалгада анхрал хандуулаха. Табадахяар, «Прогон»

гэһэн Малайзин фирмэтэй хамта республикын заводуудай үйлэдбэрин хоһорһон талмайнуудта автомобильнуудые бүтээн гаргалгые үргэнөөр дэлгэрүүлхэ.

Хараалагдаһан проект бүхэн энэ үйлэдбэритэй холбоотой бусад үйлэдбэринүүдые хүгжөөхэ арга олгохо байна. Жэһээлхэдэ, уһа амһарта соо юулэхын тула шэл амһарта бүхэлхэ, уһа хэрэгсэлнүүдые бүтээхэ заводуудые бариха хэрэгтэй болохо.



Буряад Республикын Президентдэ кандидат Бато Очировтай уулзаха бүхэндөө хунгагшад өөһэдөө шийдхэжэ ядаһан асуудалнуудаараа хубаалдана, захяануудые үгэнэ.

Үйлэдбэрин-финансова ажал ябуулга амжалтатай эрхилдэг ажахын дүй дүршэлтэй хүтэлбэрлэгшэ байһан тула Очиров республикын хүгжэхэ программа зохёон табинхай. Бүхы республикын хүн зоной дурадхалнууд суглуулагдана, энэ программа соонь оруулагдана.

Тус программаны ёһото арадай болохо байһаниинь дамжаггүй. Бурядай бүхы хүн зоной эрилтэнүүд энээн соо хараада абтаха байна. Эрээдүйдэ президент болоо наа, Бато Очиров юу хэхэ ёһотойб гэжэ хунгагша бүхэнэй захяа хэлэхэдэ болохо байна. Эдэ дурадхалнууд республикын хүгжэлтын программада заатагүй хараада абтаха.

Тиигэжэ республика соогоо хэдэн мянган хүдэлмэрин шэнэ хууринуудые байгуулаха байнабди. Хүдөө ажахын байдал түбхын түрүүндэ хүдөөгэй ажалшад ханаа зобооно. Кома тосхондо ажаһуудаг Сергей Иванович Колмаков: «Хүдөө ажахы ехэ доройтонги байдалтай. Эрээдүй Президент байһан туладатнай таряашанай эрилтэ хэрэглэмжэ-нүүдтэ анхрал хандуулахтай гуйнабди». Хүдөө нотагта хайшан гээд туһалхаб? Нэгэдэхээр, хүдөө ажахын продукциян горитой хубинь үйлэдбэриэлэгдэһэн газартаа болбосоруулагдажа, хүдоогэй ажалшад гар дээрээ мүнгэ абадаг болохо ёһотой. Хүдөө нотагтай бата байдалтай болотор республиканска бюджетһээ дэмжэлгэ үзүүлэгдэжэ байха ёһотой. Промышленностиин талаар минии дурадхалын инвестиционно проектүүд хүдөө ажахын гаргашануудые хааха хараа түсэбтэй.

Һүүлшынхын. Газарай эздэ хадаа тэдээн дээрэ зон ажал хэдэг байха ёһотой. Газар дээрэ ажал хэхэ дуралгүйшүүлэй тэрэниие худалдажа абалгые болуулаха арга үгы нэн хойнонь, газар гэшые сүлоотэ худалдаа-найманда табиха тухай хэлсэхэн үшоо эргэ.

Эрдэм хуралсалай хэрэгтэ бүхы юумэ хайн гэхын аргагүй. Прибайкалийн районий Турунтаево тосхоной ажаһууша Александр Андреевич Бородин эндэхи хэрэг байдал тухай бүхы зоной ханамжые элрхэйлэн ехэ тодоор иигэжэ хэлэһэн байна: «Залуушуулые түлооһэгүйгоор эрдэмэй эмди зургаануудта хургаха!»

Юрэнхыгөөр хэлэбэл, гүрэнэй эрдэм хуралсалай эмхи зургаануудта түлооһэгүй зандаа байха

ёһотой. Эрдэм хуралсала тусхай зорилготойгоор мүнгэ зөөри номологые (инвестици) хэрэглэхэ арга байна. Энээнһээ гадна, республикын предпринятинуудта залуу мэргэжэлтэдэй хүдэлжэ хууринуудай квото хуулийн ёһоор тогтоолгые бидэ хараалнабди.

Оршон тойронхи байгаа хамгаалгын хэрэг байдал хайжаруулгаар олон захяанууд ороо. Улаан-Үдэ хотын ажаһууша Валерий Васильевич Дамбиев:

«Хүндэтэ Бато Ламуевич! Буряад ороной байгааһын болон Байгал нуурые хамгаала асуудалнуудые хаража үзэгт. Энэманай манай баялиг ха юм. Амжалта хүсэнэбди. Мүн тэрэшэлэн харгы заһабарилгын асуудалнууд Прибайкалийн районий Турунтаево хууринда ажаһуудаг Александр Сергеевич Семёнов: Улаан-Үдэ-Баргажан гэгээн харгы заһабарилгада мүнгэ зоори олохыеннай Таниие гуйнаб».

Харгы болон хүүргэнүүдые заһабарилга гаргаша ехэтэй хэрэг Энэ хэрэгтэ мүнгэ зоори олохыен гэжэ мүнөөнһоо хэлэхэ байнаб. Энэ зорилго бэелүүлгэдэ манай «Росавтодор» концерн, тэрэнэй директор Геннадий Иванович Донцов туһалха байна.

«Харгынуудые хоорондоо холбохо гэбэл:

- 1. Хурамхаан - Нижнеангарск Северо-Байкальск
- 2. Улаан-Үдэ - Закаменск
- 3. Улаан-Үдэ - Хяагта
- 4. Улаан-Үдэ - Хэжэнгэ-Ярууна
- 5. Улаан-Үдэ - Бэнүүр
- 6. Улаан-Үдэ - Хурамхаан-Баргажан.

Нютагай зорилготой харгы барилга удаадахи шатаада бэелүүлэгдэхэ.

Газетын хуулаһануудта бүхы захяануудта харюусажа шадахагүй байнаб. Захяанууд соо хэдэн дахин хэлэгдэһэн асуудалнууд тухай хооролдоо үргэлжэлүүлхэбди. Арадай программада захяануудые суглуула үргэлжэлүүлэгдэнэ.

ЗУРАГ ДЭЭРЭ: хээрын става дээрэ уулзалгын үедэ; «Ажал мидарха бэшэ, ажаһууа ёһотойбди» гэжэ Бато Очиров хэлэнэ.

Бу Хур ЛУ АЛЕ ГОМ А.Г.Лу Улаан-Үдэ хибүүтэ... Л.О.Комо заһабарилга дээдэ мэргэжэлтэдэй хэрэгтэй. Манай эхэ... шадаатайһаа гэжэ эхилэ шүүтэктуртур бап я... нженер соо АВРЗ бригади табсарал заводой да байгаа. Железнодорожной ба... районно с... хунгагшад онуудта захиргаа Сибирин хотонууд президиум промышленности дээрэ Уласхоор Сибирь, Зүүн-Ур... түлөөлэгч тушаалдаа 1995 он удаань Бу Президент Правитель эрхилэгч Тогойло Мүиөө хаагшад хамгаал программ Эжраной Байгалай юулалгы үйлэдбэри рүүлгын «УУ» Людмила Ермольевна Даа хүдэ... түрөө нэгэ... алын ба... болон ту... үгүргээд... дээдэ-Ма... хүдэлжэ... 1978-8... нууриной... предприн... электро... электром... Эрхүү багшапа... үгүргэһэ... тургуул... социаль... дисципли... ажаллаб... стаж - 20... торинь-б... Ажалшад... байнаар... республи... үдэбөөр... эмхидхэг... түшүүн. Обще... ажабайда... оролдоо... бодолтой... Арадай... фракци ба... ПРОГ... ТЕЗИСҮҮ... реф... харша ш... үмс... шэнээр х... зогсо... үргэгийг... редеп... акционер... ажа... үйлэдбэр... залогор... тэрэни... эргэлтэ... жовончи... «Хам... үгүргэлт...

ЯАГААД ГАЗАР ХУБААГААБ

Мүнөө дээрээ уялгаяа дүүргэжэ байһан Буряадай Президент Леонид Потаповай 1994 ондо хайшан гээд дэбжүүлэгдэһиень ханажа үзэе. Тиэхэдэ тэрэ Буряадай Министрнүүдэй Сөвөдэй Түрүүлэгшэ Владимир Саганов түрүүтэй Правительствоые ехээр шүүмжэлдэг бэлэй. Шүүмжэлэлэйн гол шэглэл гэхэдэ, Правительствоын министрнүүдэй экономикын талаар зүбшэлэгшэ, корей яһанай американ эрхэтэн Брэндон О-той дүгын харилсаатайгаар хүдэлмэрилөө һэн.

Энэнь үнэхөөрөөшье һонин хүн. Брэндон О Багам гүрэнэй оффшорно зонодо бүридхэдэ абтаһан фирмын эзэн хэбэртэйгээр Буряада ерээ юм. Банковска счёдын тэндээл, Нассау хотодо. Зүгөөр предпритинь усташье, тамгашьегүй һаань, тэрэ Улаан-Үдэдэ банкын счёт нээжэ, хамтын «Бурятия-Венчер» предприти эмхидхэжэ шадаба.

Удаань Брэндон Оёһын тэды түлбэритэ арендын аргаар Улаан-Үдын бүхы шахуу сувенирнэ фабрика болон хотын бассейн эзэмдэбэ. Бассейнэй байшание Урда Корейн эрхим фирмэнүүдэй түлөөлэгшэ эмхи болгохоор тэрэ найдуулан юм. Тиин мүнөөнэй байдлаар тэндэ нэгдэхэ дабхартань - өөрын «Бурятия-Венчер» компаниин магазинууд, хоёрдохи дабхартань - юрын лэ барахолко. «Сэлэнгэ» ресторание хамтын предпритида дамжуулха талаар ябуулга хэһэн, мүн бусадшье объектуудтэ «һанаархаһан» ааб даа.

Гэбэшье, Л.Потапов 1994 ондо хунгадамсаараа, Брэндон О-той бүрин этигэмжэтэ өөрынгөө зүбшэлэгшэ болгоһон тухай хэлсээ баталжа, тэрэндэ харин гүрэнүүдэй инвестици оруулха талаар тон ехэ эрхэнүүдые даалгаһан байна.

Зүгөөр Брэндон О-гой ажал ябуулга Буряада ямаршье үрэ асарагүй. Тэрэнэй тон ехэ хэһэн хэрэг гэхэдэ, үнөөхи «корейн проект». 1995 оной зун тэрэнэй «туһаар» Урда Корейн «Мион Сан Гроун» фирмын түлөөлэгшэ Буряад руу ерэхэн түүхэтэй. Тэдэн Байгалай эрьеые Оймурһаа Баргажанай запөведник хүрэтэр вертолётһоо хаража, һонирхол татаһан дүрбэн газар зааһан байба.

1995 оной октябрь соо Л.Потапов, экономикын

министрэй уялганууды дүүргэгшэ Александр Мельник, Президентын зүбшэлэгшэ Николай Атанов болон Брэндон О гэгшэ Урда Корей мүнлэ айлшаар ошобо.

Тэрэ айлшалгын үедөөтэдэ үнөөхи «МСГ» фирмэтээ Буряада аяншалга хүгжөөхэ талаар Генеральна соглашенидэ гараа табибад. Сүлөөтэ аяншалгын зоно байгуулха талаар Урда Корейн фирмэдэ удаа-дахи газар талмайнууд эсхэмжэлэгдэбэ гэбэл:

1) Байгалай эрьедэ, Горячинскын хажуугаар 1000 га хүрэтэр;

2) Котокельнуурые тойроод 4600 га хүрэтэр;

3) Хаим голһоо урагша дэбисхэртэ 8670 га хүрэтэр;

4) Котокель нуурһаа урагша талмайда 1000 га хүрэтэр.

Буряадай эгээл эрхим курортно газарнууд, Прибайкалийн районой ехэнхи хуби арендын гуримаар жаран жэлэй туршада үгтэхэ байба, харин түрүүшын арбан жэлдэнэ - түлбэриггүйгөөр. Тээд иимэ ехэ талмай газар аяншалгын комплекс байгуулхын тула хэрэгтэй юм гү?

Тиэхэдэ Байгалай уһа шудхалгын завод, мүн Хаим гол дээрэ гидростанци барихын тула үшөө газар талмайнууд дамжуулагдахаар хараалагдаһан байгаа юм. Гадна Урда Корейн фирмээр ашагта малгамалануудые малтуулхаар ба бусадшье байгааһин баялигуудые ашаглаха талаар асуудалнууд мүн лэ түсэблэгдэе юм.

Манай «баатарнууд» урда корейнхидтэ 1:5000 гэхэн масштабай карта дамжуулхаар найдуулан, авто болон түмэр харгы ашаглахыень хамһалсаха, юридическэ ноур байгуулха, визэнүүдые үгэхэ, хэлхэе холбооной хэрэгсэлүүдые ашаглаха, барилгын материалнуудые зөөхэ, аймагуудай оие ашаглаха талаар эрхэ олгохо хэрэгтэ хамһалсахаар бэлэн байһана мэдүүлһэн байна. Тиэхэдэ проектын хүсэндөө байһан үедэ республиканска болон нютагай налогуудые доошолуулха талаар хараа бодолнууд хараалагдаа юм.

Үшөө нэгэ «Ханкук Якулт Милк Продакт ЛТД» гэхэн фирмэтэй урда корейн амараашадай эдихэ хоол үйлэдбэрихын тула Загарайн болон Прибайкалийн районнуудта хүдөө ажахын газар үгтэхөөр хараалагдаһан протоколдо гар табидаа һэн.

Зүгөөр проект бүтэбэ-гүй. Манай хатуушуул

корейнхидтэ топографическа нюуса картануудые үгэхөөр найдуулан байба. Тиигээдшье Россин хуулинуудай ёһоор харин гүрэнэй юридическэ ноурнуудта 40 жэлһээ дээшэ арендын гуримаар газар үгтэхэнь, мүн түлбэриггүйгөөр тэрэнэй ашаглагдахань хизаарлагданхай юм. Байгал далайн уһа хамгаалгын зонон байгааһи ашаглалгын талаар онсо режим эбдэгдэһэн байна.

Тус проектын бэелүүлэгдэбэл, Буряад нютагнай, мүн ажаһуугшадын ямар аша үрэ абажа шадаха байгаа? Эрхим курортын газарнууд түлбэриггүйгөөр харин гүрэнэйхидтэ дамжуулагдан алдаа. Бидэ Котокель болон Горячинск ошохо аргагүй болохо байгааһи. Баргажанай болон Хурамхаанай аймаг ошодог харгы ходоодоо гү, али саг зуура хаагдаадшье байжа болохонь магадгүй байгаа. Газар үгэлгын болон хамта газар ашаглалгын асуудал нютагай, зоноор зүбшэн хэлсэгдээгүй һэн. Хэрэгтэй болохо материал болон эдихэ хоол, тэрэ тоодо мяханшье, булта Урда Корейһээ асарагдаха байгаа. Хизааргүй хунгэлэлтэнүүдһээ уламжалан, налог татабарийше байхагүй һэн.

Ори гансахан баяр гэхэдэ - засаг эзэмдэгшэдэй тэнэг ябадал. Урда Корейдэ дамжуулагдаха гэхэн топографическа нюуса картануудые тэдэ «тааж» шадабагүй. Тиимзһээ тус проект бэелүүлэгдэхэ аргагүй байшоо. Тон ехэ олзо олохын тула өөһэдөө мэдүүлгэнүүдые бэлдэжэ, конкурсын ёһоор харин партнёрнуудые «наашань харуулха» хэрэгтэйе Л.Потапов болон тойрошуулын юундэшье ойлгоногүй гээшэ ааб даа. Эгээл тиэхэдэнь хэтэрмэ ябадалнуудай үндэһэ һуури усадхагдаха ха юм.

Зүгөөр тус ябадал Брэндон О-гой түрүүшыншье, һүүлшыншье бэшэ бшуу. һүүлэйн үрэ эли юм: бэе бээдэ айлшалсахаһаа, мүн бэлэгүүдые үгэлсэхэһөө бэшэ юуншье эндэ үгы.

Бүхы энэ түүхэдэ Л.Потаповай ба Брэндон О-гой үүргэнүүд ямар юм? Тус бүринь сэдхэлэй түлхисэ юун байгаа-боложо байһан үзэгдэлнүүдые ойлгохогүй ябадал гү, али хубийн талаая харалга гү? Харин энэ асуудалда бидэ харюу абажа шадахагүй хабди.

Кирилл ВАСИЛЬЕВ.

Нэгэ мандадтай хунгуулин Текстильнэ 52-дохи округоор Буряад Республикын Арадай Хуралай депутатта кандидат Георгий Валерианович Волосатовай намтарһаа

Г.В.Волосатов 1967 оной декабриин 21-дэ Улаан-Үдэ хотодо хүдэлмэришэн аилай бүлэдэ түрэн юм. Гэр бүлэтэй, хоёр хүүгэдтэй. 1983 ондо 35-дахи хургуулин 8 класс дүүргээ. 1986 он болотор 13-дахи СГПТУ-да һуража, столяр мэргэжэлтэй болоо. Сэрэгэй уялгата албанда абтахаһаа урид Улаан-Үдын АВРЗ-гэй модельнэ цехтэ ажаллаа. 1986 онһоо 1988 он болотор хилын харуулай сэрэгтэ тэрэ алба хээ. 1989 ондо Г.Волосатов Улаан-Үдын нарин сэмбын комбинадта мэргэжэлээрээ хүдэлхөөр ажалда ороһон байна.

1990 ондо районно Сөвөдэй депутатаар тэрэ хунгагдаа, үйлэдбэриһөө таһалгаряагүй

депутатай уялгануудые шударгыгаар дүүргээ.

1993 онһоо тэрэ Улаан-Үдын 2-дохи ТЭЦ-тэ модошор дарханаар хүдэлнэ. Иһанһатайһаа эхилжэ Георгий Валерианович Волосатов залуушуулай дунда эдэбхитэй хүдэлмэри ябуулна, һайн дураараа һаһатай зоной ашаг туһые хамгаална. 61-дэхи кварталай хунгагшадтай дунда тэрэ хүндэтэй.

Г.Волосатов үнэн сэхэ абарһан зантай, хүнэй нэрэ түрһе хамгаалха хүсэн түгэс ябана. хунгуулин урда тээһи платформо:

- һаһатайшуулые, пемснөөр нерүүдые хамгаалаага.
- залуушуулай ажал болон сүлөө сагые эмхидхэлгэ.

РЕСПУБЛИКЫН ОЙН БАЯРТАЙ ДАШАРАМДУУЛАН

Республикын 75 жэлэй ойдо Президентын, Правительствоын болон Арадай Хуралай үмэнэ амаршалгын телеграммууд ороо.

Россин Федеральна Суглаанай Федерациин Сөвөдэй Түрүүлэгшэ Е.Строев, Россин Правительствоын Түрүүлэгшын орлогшо Б.Немцов, Россин хүдөө ажахын болон эдэе хоолой министр В.Семёнов, Россин национальна политикын министр Е.Сапиро, Россин байгааһин нөөсөнүүдэй министр В.Некрутенко, Россин Оршон тойронхи байгааһине хамгаалгын талаар гүрэнэй комитетдэй түрүүлэгшэ В.Данилов-Данильян, Россин Федерациин гүрэнэй Дүүмэдэ КПРФ-гэй фракциин хүтэлбэрилэгшэ Г.Зюганов, Татарстанай Президент М.Шаймиев, Хакас Республикын Правительствоын Түрүүлэгшэ А.Лебедь болон энэ республикын Верховно Сөвөдэй Түрүүлэгшэ В.Штыгаев, Агын национальна округһоо Гүрэнэй Дүүмын депутат, СССР-эй арадай артист, профессор И.Кобзон, ОНЭКСИМ банкын правленийн түрүүлэгшэ М.Прохоров, Новосибирскэ областин губернатор В.Муха, энэл областини депутатуудай Сөвөдэй Түрүүлэгшэ В.Леонов, Россин Миннацай Зүүн Сибириин регионой территориальна таһагай начальни В.Крюков, Москвагай университетдэй ректор, ректорнүүдэй Россин Союзай Президент, академик В.Садовничий болон бусад ойн баяртай дашарамдуулан, Буряад ороние амаршалһан байна.

Эдэ амаршалганууд соо буряад арадай туйлалтанууд, Россин олон үндэһэтэнэй арадуудай хоорондо хани нүхэсэл болон харилсаа холбоо хүгжөөлгэдэ республикын оруулан хубита тухай тэмдэглэгдэнэ.

Буряад Республикын Президентын болон Правительствоын хэблэлэй алба.

ҮНГЭР ҺЭН САГАА ШЭНЖЭЛЭН ХАРАХАДА...

Буряад Республикын байгуулагдаһаар 75 жэлэй ойн баярта зориулагдаһан эрдэмэй-практическа конференци байгша оной майн 28-да республикын Правительствоын конференц-зал соо болобо. Республикын ойн баярай хэмжээ ябуулгануудта хабдааһаа ерэхэн айлшадые, аймагуудай түлөөлэгшэдые республикын Правительствоын Түрүүлэгшын орлогшо Л.Ч.Нимаева конференци нээжэ амаршалаад, Буряад Республикын Президент П.Валерианович Түрүүлэгшэ Л.В.Потаповта амаршалгын үгэ үгэбэ.

Удаань пленарна зүблөөн эхилжэ, Буряад Республикын Арадай Хуралай Түрүүлэгшэ М.И.Семёнов, республикын Правительствоын Түрүүлэгшын Нэгдэхэ орлогшо В.К.Агалов, республикын Правительствоын Түрүүлэгшын орлогшо Л.Ч.Нимаева, Буряадай

Эрдэмэй түбэй Президиумэй түрүүлэгшэ, РАН-ай гэшүүн-корреспондент И.В.Гордиенко Монгол, түбэдэ болон буддын шажан шэнжэлэгшын институтдай ахамад эрдэмтэн хүдэлмэрилэгшэ, түүхын эрдэмэй доктор, профессор Г.А.Санжиев гэгшэд Буряад орондо хабартай шухала асуудалнуудаар элидхэнүүдэ хэбэ.

Удаань конференцидэ хабдаагшад «Буряада үндэһэн гүрэнэй байгуулагдаһа» «Республикын соёлой болон шажан мүргэлэй асуудалнууд», «Буряадай социальнэ-экономическа хүгжэлтэ» гэхэн секцинуудээр таһарһа хүдэлмэрилбэ.

Конференциин хүдэлмэридэ хүршэ Монгол ороной парламентайн гэшүүд Ганболд Энхэбаатар, Монголоой Эрдэмэй Академиин Президент Чадраа гэгшэд хабдааба.

А.ХУБИТУЕВ

Эмхидхэн байгуулагшад - Буряад Республикын Президент, Арадай Хурал болон Правительство

Ахамад редактор А. Л. АНГАРХАЕВ.

РЕДАКЦИОННО КОЛЛЕГИ: Б.М.Ж.БАЛДАНОВ (ахамад редакторай орлогшо), Г.Х.ДАШЕЕВА (ахамад редакторай орлогшо), Б.В.ГЫНДЫНЦЫРЕНОВ (харюусалгата секретарь), А.Г.ЛУБСАНОВ (Буряад Республикын Правительство), Д.Д.СУНДАРОН (Буряад Республикын Арадай Хурал), таһагуудые даагшад: Н.Д.НАМСАРАЕВ, Т.В. САМБЯЛОВА, Д.Ш.ХУБИТУЕВ, А.Д.ТАПХАЕВ; В.И.ПИНТАЕВ (хэблэлэй директор).

Манай адрес:

670000, Улаан-Үдэ, Каландаришвилиин үйлсэ, 23, "Буряад үнэн" газетын редакци.

Газетэ хэблэлэй 1 хуудан хэмжээтэй. Индекс 50901. Хэһэг 3.900 (хамта 25.900). Хэблэлдэ тушаагдаһан саг 17.00.

"Республиканска типографи" гэхэн АО-до газетэ хэблэгдээ. Директорийн телефон: 21-40-45. Б-0079-дэхи номертойгоор бүридхэлдэ абтанхай. Заказ № 8344.

Редакциин телефонууд: ахамад редакторай - 21-50-96, приёмнын - 21-54-54, ахамад редакторай орлогшонорой - 21-68-08, 21-64-36, харюусалгата секретарин - 21-50-52, секретариадийн - 21-50-52, таһагууд: экономикын болон политикын - 21-63-86 (даагшань), 21-34-05, 21-55-97, соёлой, түүхын болон залуушуулай (даагшань), 21-57-63, 21-69-58, 21-60-21, мэдээлэлэй болон рекламн - 21-62-62, 21-67-81, хэблэлэй - 21-33-61, оператор-корректорнүүдэй - 21-61-35, фотокорреспондентнүүдэй - 21-33-61, компьютерна түбэй - 21-66-76.

"Бурятия" хэблэлэй телефонууд: директор - 21-49-94, бухгалтерн - 21-23-67, вахта - 21-60-91.

Тоонуудай, бодото баримтануудай, хүнэй, нютагай нэрэнүүдэй бэшэ сагые хазгайруулан ушарта авторнуудын харюусалгатай. Редакциин һанама авторайхитай адли бэшэ байжа магад.